




ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 1-ին, հինգշաբթի.—Այսօր, երեկոյան ժամը 20.30-ին, հոգևոր ճեմարանի հանդիսությանը դահլիճում «Էջմիածինը ԺԸ դարի երկրորդ կեսին և Ղուկաս Կարնեցի կաթողիկոսը» թեմայի շուրջ դասախոսությանը հանդես եկավ պատմական գիտությունների դոկտոր Վարդան Գրիգորյանը:

Վերջում հարգելի դասախոսը պատասխանեց նաև ուսանողների հարցերին:

• •

Մարտի 4-ին, կիրակի.—Բ կիրակի քառասունորդական Պահոց (Արտաքսման).

Այսօր Մայր տաճարում ս. պատարագ է մատուցում տ. Տիրան վրդ. Կյուրեղյանը, և «Հայր մեր»-ից առաջ քարոզում է տ. Արսեն եպս. Բերբերյանը՝ «Որ ի պատկեր աստուածութեանց քո զարդարենն ոչ պահելով դարձաւ ի հող յետ մահու անկեալ թագաւորութիւն» (Ծարական) բնաբանով:

Ս. պատարագին ներկա էր Վեհափառ Հայրապետը:

Ս. պատարագի ընթացքում, «Ողջոյն»-ից առաջ, ձեռամբ Մայր տաճարի լուսարարապետ տ. Հուսիկ արքեպ. Սանթրուրյանի, տե-

ղի է ունենում սարկավագական ձեռնադրություն: Սարկավագ են ձեռնադրվում ճեմարանի նախկին ուսանողներ Խաչիկ Ֆրենկյանը ու Օնիկ Լուսարարյանը, Հովհաննես Բուդուրյանը (Լիբանան)՝ որպէս ապագա քահանայացուներ:

• •

Մարտի 7-ին, չորեքշաբթի.—Այսօր ուխտավորաբար Ամերիկայից Մայր Աթոռ է ժամանում Ամերիկայի Միացյալ Նահանգների արևելյան թեմի առաջնորդ տ. Թորոն արքեպ. Մանուկյանը:

Օղանավակայանում սրբազան հորը, հանուն Վեհափառ Հայրապետի, դիմավորում են Դերենիկ արկ. Սալանը և Ստեփանոս արկ. Չաքալյանը:

• •

Նույն օրը, երեկոյան ժամը 20.30-ին, Վեհաքրանում տեղի է ունենում միաբանական հերթական հավաքույթ: Հավաքին հրավիրված էր նաև հյուրաբար մայր հայրենիքում գտնվող, Բելոուսի «Նաիրի» շաքաթաթեր-

թի խմբագիր, գրող և հասարակական գործիչ Անդրանիկ Ծառուկյանը, որը և համագամանորեն խոսում է «Հայրենիք-սփյուռք մշակութային և հայրենասիրական կապերի զարգացումը 1915 թվականից մինչև մեր օրերը» թեմայի շուրջ:

Վերջում հարգարժան հյուրը պատասխանում է ներկաների մի շարք հարցերին:

* *

Մարտի 8-ին, հինգշաբթի.—Այսօր Վեհափառ Հայրապետին է այցելում իտալացի լրագրող Դոմենիկո դել Կարրերե Կարլո Մաուրիին, որը հյուրաբար գտնվում էր Սովետական Հայաստանում:

* *

Մարտի 9-ին, ուրբաթ.—Այսօր, երեկոյան ժամը 19-ին, Վեհաքանում, Վեհափառ Հայրապետի նախագահությամբ, գումարվում է Գերագույն հոգևոր խորհրդի հերթական նիստ, որը շարունակվում է նաև հաջորդ օրը:

* *

Նույն օրը, երեկոյան ժամը 20.30-ին, հոգևոր ճեմարանի հանդիսությունների դահլիճում, «Ուրարտու և Հայաստան մշակութային ժառանգորդության հարցերը» թեմայի շուրջ դասախոսում է պատմական գիտությունների թեկնածու Գևորգ Տիրացյանը:

Վերջում հարգելի դասախոսը պատասխանում է ուսանողների հարցերին:

* *

Մարտի 11-ին, կիրակի.—Գ. կիրակի քառասունորդական Պահոց (Ահառակին).

Այսօր Մայր տաճարում ս. պատարագ է մատուցում տ. Մովսիկ վրդ. Սարգսյանը, և «Հայր մեր»-ից առաջ քարոզում տ. Գրիգորիս վրդ. Բունիաթյանը՝ «Հայր, մեղսյ լերկինս և առաջի քոյ» (Ղուկ. ԺԵ 18) բնաբանով:

Ս. պատարագին ներկա էր Վեհափառ Հայրապետը:

* *

Նույն օրը Էջմիածնի ս. Աստվածածին եկեղեցում տեղի է ունենում քահանայական ձեռնադրություն: Մայր տաճարի լուսարարապետ տ. Հուսիկ արքեպ. Սանթրոյանը քահանա է ձեռնադրում Հովհաննես արկ. Բուդուրյանին՝ վերանվանելով տ. Վարդան

քահանա, Բաղդատի հայոց ս. Գրիգոր Լուսավորիչ եկեղեցու համար:

Այս առթիվ ուխտավորաբար Մայր Աթոռում գտնվող տ. Թորգոմ արքեպիսկոպոսը քարոզում է քահանայական կոչման քարձրության և կարևորության մասին՝ հորդորելով նորընծային լինել «մշակ ստանց ամօթոյ»:

* *

Մարտի 12-ին, երկուշաբթի.—Այսօր, առավոտյան, Մայր Աթոռից և Վեհափառ Հայրապետից հրաժեշտ առնելով, Ամերիկա է մեկնում Միացյալ Նահանգաց արևելյան թեմի առաջնորդ տ. Թորգոմ արքեպ. Մանուկյանը:

Սրբազան հորը ճանապարհում են, հանուն Վեհափառ Հայրապետի, տ. Հուսիկ արքեպ. Սանթրոյանը և Պետրոս արկ. Սարգսյանը:

* *

Նույն օրը, երեկոյան ժամը 20.30-ին, հոգևոր ճեմարանի հանդիսությանց դահլիճում «Տիգրանի ասորի կաթողիկոսության հիմնադրումը և նրա կապերը հայ եկեղեցու հետ» թեմայի շուրջ դասախոսում է պատմական գիտությունների թեկնածու Հայկ Մելքոնյանը:

Վերջում հարգելի դասախոսը պատասխանում է ուսանողների հարցերին:

* *

Մարտի 13-ին, երեքշաբթի.—Այսօր Բեյրութ է մեկնում հյուրաբար մայր հայրենիքում գտնվող «Նաիրի» թերթի խմբագիր, գրող և հասարակական գործիչ Անդրանիկ Ծառուկյանը:

Հարգարժան հյուրին Երևանի օդանավակայանում ճանապարհում է Դերենիկ արկ. Սայանը:

* *

Մարտի 14-ին, չորեքշաբթի.—Այսօր, երեկոյան ժամը 20.30-ին, Վեհաքանում տեղի է ունենում միաբանական հերթական հավաքույթ, որի ղնթացքում տ. Մովսիկ վրդ. Սարգսյանը ներկայացնում է «Երիմյան Հայրիկի կյանքը և գործունեությունը»՝ հատկապես կանգ առնելով նրա մանկավարժական գործունեության վրա:

Վերջում հայր սուրբը պատասխանում է միաբանների հարցերին:

Հավաքույթին ներկա էր Վեհափառ Հայրապետը:

Մարտի 18-ին, կիրակի.—Դ կիրակի քառանորդական Պահոց (Տնտեսին)։

Այսօր Մայր տաճարում ս. պատարագ է մատուցում տ. Գրիգորիս վրդ. Բունիաթյանը, և «Հայր մեր»-ից առաջ «Եւ գովեաց Տէրն գտնուեսն անիրաւութեան, զի իմաստութեամբ արար» (Ղուկ. ԺԶ 8) բնաբանով քարոզում է տ. Մովսիկ վրդ. Սարգսյանը։

Ս. պատարագին ներկա էր Վեհափառ Հայրապետը։

Մարտի 20-ին, երեքշաբթի.—Այսօր, երեկոյան ժամը 19.30-ին, Վեհաքանոնում գումարվում է Գերագույն հոգևոր խորհրդի հերթական նիստ՝ Վեհափառ Հայրապետի նախագահությամբ։

Նիստին ներկա էր նաև ուխտավորաբար Մայր Աթոռում գտնվող Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբէ արքեպ. Մանուկյանը։

Մարտի 21-ին, չորեքշաբթի.—Այսօր, երեկոյան ժամը 20.30-ին, Վեհաքանոնում տեղի է ունենում միաքանական հերթական հավաքույթ։

Հավաքույթին հրավիրված էր ամերիկահայ հոգեբան, Երևանի պետական համալսարանի հոգեբանության դասախոս, պրոֆ. Հայկ Փամբուկյանը, որը և դասախոսում է «Ինքնաճանաչում» թեմայի շուրջ։

Վերջում հարգելի դասախոսը պատասխանում է ներկաների տված հարցերին։

Հավաքույթին ներկա էր Վեհափառ Հայրապետը։

Մարտի 25-ին, կիրակի.—Ե կիրակի քառանորդական Պահոց (Դատաւորին)։

Այսօր Մայր տաճարում ս. պատարագ է մատուցում տ. Մլոռոն արք. Գրվրգյանը՝ իր պաշտոնատեղին՝ Բուենոս Այրես մեկնելու առիթով։

Ս. պատարագին ներկա էր Վեհափառ Հայրապետը։

Մարտի 28-ին, չորեքշաբթի.—Այսօր, երեկոյան ժամը 20.30-ին, Վեհաքանոնում տեղի է ունենում միաքանական հերթական հավաքույթ, որի ընթացքում տ. Կոմիտաս արք. Հովնանյանը ներկայացնում է Հովհան Մայրազոմեցու կյանքն ու նրա մատենագրական վաստակը։

Վերջում հայր սուրբը պատասխանում է միաքանական տված հարցերին։

Հավաքույթին ներկա էր Վեհափառ Հայրապետը։

Մարտի 31-ին, շաբաթ.—Տօն է սրբոյն Լուսաւորչին մերոյ սուկալի չարչարանացն և մտին ի վիրապն։

Այսօր Մայր տաճարում, Իջման սեղանի առաջ, ս. պատարագ է մատուցում տ. Արտակ քհն. Սիմոնյանը։

